

ოზურგეთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M2 და M3 კატეგორია) სამგზავრო გადაყვანის მარშრუტებზე მგზავრობის ტარიფისა და შეღავათების დადგენის შესახებ

მუხლი 1.

ოზურგეთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M2 და M3 კატეგორია) რეგულარული სამგზავრო გადაყვანის მარშრუტებზე მგზავრობის ტარიფი განისაზღვროს 2 ლარით ოზურგეთი-ურეკის მარშრუტზე, სხვა დანარჩენ მარშრუტებზე მგზავრობის ტარიფი განისაზღვროს 1 ლარით.

მუხლი 2.

1. ოზურგეთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M2 და M3 კატეგორია) რეგულარული სამგზავრო გადაყვანის მარშრუტებზე შეღავათიანი ტარიფით, 0.50 ლარით მგზავრობის უფლება მიეცეთ შემდეგ პირთა კატეგორიებს:

- ა) სოციალური მომსახურების სააგენტოს მონაცემთა ბაზის მიხედვით ოზურგეთის მუნიციპალიტეტში რეგისტრირებულ „სახელმწიფო პენსიის შესახებ“ საქართველოს კანონით განსაზღვრულ პენსიონერებს;
- ბ) სოციალური მომსახურების სააგენტოს მონაცემთა ბაზის მიხედვით ოზურგეთის მუნიციპალიტეტში რეგისტრირებულ იძულებით გადაადგილებულ პირებს - დევნილებს;
- გ) ვეტერანების საქმეთა სახელმწიფო სამსახურის მონაცემთა ბაზის მიხედვით ოზურგეთის მუნიციპალიტეტში რეგისტრირებულ ომისა და თავდაცვის ძალების ვეტერანებს;
- დ) სოციალური მომსახურების სააგენტოს მონაცემთა ბაზის მიხედვით ოზურგეთის მუნიციპალიტეტში რეგისტრირებულ შეზღუდული შესაძლებლობის მქონე პირებს;
- ე) სოციალურად დაუცველი ოჯახების მონაცემთა ერთიან ბაზაში ოზურგეთის მუნიციპალიტეტის ტერიტორიაზე რეგისტრირებულ სოციალურად დაუცველ ოჯახებს, რომელთა სარეიტინგო ქულა არ აღემატება 100 000-ს;
- ვ) სოციალურად დაუცველი ოჯახების მონაცემთა ერთიან ბაზაში ოზურგეთის მუნიციპალიტეტის ტერიტორიაზე რეგისტრირებულ სოციალურად დაუცველ მრავალშვილიან ოჯახებს, რომელთა სარეიტინგო ქულა არ აღემატება 150 000-ს;

ზ) სოციალურად დაუცველი ოჯახების მონაცემთა ერთიან ბაზაში ოზურგეთის მუნიციპალიტეტის ტერიტორიაზე რეგისტრირებულ სოციალურად დაუცველ მარჩენალ დაკარგულ პირებს, რომელთა სარეიტინგო ქულა არ აღემატება 150 000-ს;

თ) სოციალურად დაუცველი ოჯახების მონაცემთა ერთიან ბაზაში ოზურგეთის მუნიციპალიტეტის ტერიტორიაზე რეგისტრირებულ სოციალურად დაუცველ მარტოხელა მშობლის სტატუსის მქონე პირებს, რომელთა სარეიტინგო ქულა არ აღემატება 150 000-ს.

მუხლი 3.

ოზურგეთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M2 და M3 კატეგორია) რეგულარული სამგზავრო გადაყვანის მარშრუტებზე უფასო მგზავრობის უფლება მიენიჭოთ ოზურგეთის მუნიციპალიტეტის ადმინისტრაციულ საზღვრებში არსებული საჯარო და კერძო სკოლების მოსწავლეებს.

მუხლი 4.

1. ოზურგეთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M2 და M3 კატეგორია) რეგულარული სამგზავრო გადაყვანის გადახდის სისტემას ნერგავს და ამ დადგენილებით განსაზღვრული მგზავრობის საფასურის მოკრებას ახორციელებს ოზურგეთის მუნიციპალიტეტის შ.პ.ს. “ოზურგეთის სატრანსპორტო კომპანიის“ (ს/ნ: 237111594) მიერ შერჩეული შესაბამისი უფლებამოსილი სუბიექტი გადახდის სიტემის მოწყობის ფარგლებში, ასევე, უზრუნველყოფს ამ დანართის პირველი და მე-2 მუხლებით გათვალისწინებული მგზავრობისთვის, სამგზავრო პლასტიკური ბარათების დამზადებასა და გაცემას.

2. ოზურგეთის მუნიციპალიტეტის შ.პ.ს. “ოზურგეთის სატრანსპორტო კომპანიას“ (ს/ნ: 237111594) მიენიჭოს უფლებამოსილება, ამ მუხლის პირველი პუნქტით გათვალისწინებული მომსახურების განმახორციელებელ უფლებამოსილ სუბიექტთან გააფორმოს შესაბამისი ხელშეკრულება.

მუხლი 5.

1. დანართის მე-2 მუხლით განსაზღვრული შეღავათიანი მგზავრობის ტარიფით მოსარგებლე პირების მგზავრობა ხორციელდება შ.პ.ს. “ოზურგეთის სატრანსპორტო კომპანიას“ (ს/ნ

:237111594) მიერ შერჩეული, ამ დანართის მე-4 მუხლის პირველი პუნქტით განსაზღვრული, უფლებამოსილი სუბიექტის მიერ გაცემული სამგზავრო პლასტიკური ბარათების მეშვეობით.

2. დანართის მე-4 მუხლის პირველი პუნქტით განსაზღვრული უფლებამოსილი სუბიექტის (ბარათის გამცემი) მიერ გაცემული ბარათის დაზიანებისას ან დაკარგვისას, თუ ორივე შემთხვევაში წარმოიშვა ახალი ბარათის გაცემის აუცილებლობა, ბარათის აღდგენის თხოვნით, ბარათის გამცემს მიმართავს, ბარათის კანონიერი მფლობელი.

3. დანართის მე-2 მუხლით გათვალისწინებული პირთა კატეგორიისათვის განკუთვნილი სამგზავრო პლასტიკური ბარათის სხვა პირთა მიერ მგზავრობისათვის გამოყენება ან ამ ბარათის სხვა პირზე ნებისმიერი ფორმით გადაცემა, რასაც მოჰყვა არაუფლებამოსილი პირის მიერ ბარათით სამგზავრო ბილეთის აღება, ექვემდებარება სამართალდამრღვევი პირის საქართველოს კანონმდებლობის შესაბამისად დაჯარიმებას ოზურგეთის მუნიციპალიტეტის ა(ა)იპ ოზურგეთის მუნიციპალური ინსპექციის (ს/ნ: 437375458) უფლებამოსილი თანამშრომლის მიერ, რომელიც დაუყოვნებლივ იღებს გადაწყვეტილებას შეღავათიანი მგზავრობის ტარიფით მოსარგებლე პირის/პირების სამგზავრო პლასტიკური ბარათის ამ პუნქტით გათვალისწინებულ შემთხვევაში, ოზურგეთის მუნიციპალიტეტის შ.პ.ს. “ოზურგეთის სატრანსპორტო კომპანია“ (ს/ნ: 237111594) უზრუნველყოფს ამ დანართის მე-4 მუხლის პირველი პუნქტით განსაზღვრული უფლებამოსილი სუბიექტისთვის შესაბამისი ინფორმაციის მიწოდებას, ბარათის დაბლოკვის მიზნით.

4. ბარათის სამგზავრო ფუნქციის დაბლოკვა ხორციელდება 30 (ოცდაათი) კალენდარული დღის ვადით, ხოლო იგივე ქმედების განმეორებით ჩადენა გამოიწვევს ბარათის სამგზავრო ფუნქციის დაბლოკვას 90 (ოთხმოცდაათი) კალენდარული დღის ვადით. აღნიშნული ვადის გასვლის შემდეგ, ბარათი ექვემდებარება უფასო განბლოკვას.

5. დანართის მე-2 მუხლით განსაზღვრული შეღავათიანი მგზავრობის ტარიფით მოსარგებლე პირებზე სამგზავრო პლასტიკური ბარათის გაცემა/აღდგენა ხორციელდება მათ მიერ ამ დანართის მე-4 მუხლის პირველი პუნქტით განსაზღვრულ უფლებამოსილ სუბიექტთან მიმართვის საფუძველზე.

მუხლი 6.

დანართის მე-2 მუხლით განსაზღვრული შეღავათიანი მგზავრობის ტარიფით სარგებლობის მიზნით გასაცემი სამგზავრო პერსონიფიცირებული პლასტიკური ბარათის მისაღებად წარმოდგენილი უნდა იქნეს შესაბამისი სტატუსისა და პირადობის დამადასტურებელი დოკუმენტი.

მუხლი 7.

1. დანართის მე-2 და მე-3 მუხლებით განსაზღვრული შედავათიანი/უფასო მგზავრობის ტარიფით მოსარგებლე პირთა მონაცემთა ბაზის განახლების მიზნით, ამ დანართის მე-4 მუხლის პირველი პუნქტით განსაზღვრული უფლებამოსილი სუბიექტისათვის (ბარათის გამცემი) ან/და ოზურგეთის მუნიციპალიტეტის მერიისთვის ან/და შ.პ.ს. "ოზურგეთის სატრანსპორტო კომპანიისთვის" (ს/ნ: 237111594) შესაბამისი ინფორმაციის კვარტალურად მიწოდების უზრუნველყოფა ეთხოვოთ შემდეგ დაწესებულებებს:

ა) დანართის მე-2 მუხლის პირველი პუნქტის „ა“, „ბ“, „დ“, „ე“, „ვ“, „ზ" და „თ“ ქვეპუნქტებით დადგენილი კატეგორიის მქონე პირებთან დაკავშირებით – სსიპ სოციალური მომსახურების სააგენტოს;

ბ) დანართის მე-2 მუხლის პირველი პუნქტის „გ“ ქვეპუნქტით დადგენილი კატეგორიის მქონე პირებთან დაკავშირებით – სსიპ ვეტერანების საქმეთა სახელმწიფო სამსახურს;

გ) დანართის მე-3 მუხლით დადგენილი კატეგორიის მქონე პირებთან დაკავშირებით – სსიპ განათლების მართვის საინფორმაციო სისტემას.